

Erantzukizuna politikarien gain da Berdeen ustez

Taldeak Bechefores zaborteziaren egoera salatu zuen atzo

Afera urrunegi joan dela adierazi zuten, eta orain arduradunek konponbidea aurkitu behar dutela erran zuten. Zabortezi oraingoan bederen itxi dezaten eskatzen dute. Jean Lissar-ek eta Martine Bisautak Euskal Herriko Berdeen izenean egoera kezkarria dela salatu zuten. «Lamassourek proposaturiko aterabideak ez dira nahiko», erran zuten. Zaborteziaren inguruan bizi diren egoera «bereziki larria» dela gainerat zuten.

Arantxa Hirigoinen / Baiona

JOAN den astelehenean, Lamassoure Distrituko lehendakariak bere iritzia plazaratu zuen Bechefores zaborteziak eragindako kalteei buruz. Atzo, aldiz, Euskal Herriko Berdeak taldeak salatu zuen egoera hau.

Jean Lissar-ek eta Martine Bisautak Euskal Herriko Berdeak taldearen izenean egoera kezkarria dela adierazi zuten. «Zaborteziaren gaurko egoera ikaragarria da. Bechefores ingurunea bisitatzerakoan, zinez ohartu naiz zer nolako kinka larrian aurkitzen den zabortezi. Ezin dezakegu horrela utzi», erran zuen Martine Bisautak Baionako hautetsiak.

«Lamassourek proposaturiko aterabideak ez dira aski. Afera hau gehiegi aitzinatua da. Gaurko egoeraren arduradunek politikariak dira, beraien gain hartu behar dute erantzukizuna», salatu zuen Bisautak. Berdeak hiru puntu nagusi argitu nahian dabilta. Ardura politikoaz, zaborteziarako erabilia izan den diru publikoaz eta osasun publikoaz arreguratuak dira. «Zabortezi inguruan bizi diren jendearen osasunarentzat biziki egoera larria da», esplikatu zuen Bisautak. «Bertatik hedatzen diren usainaz eta kez gain, badakigu zikinkeriak Aturi ibaira isurtzen direla». Bestalde, jakinarazi dute behin baino gehiagotan matrikula espainola zeramatan kamioiak etorri direla Baionaraino, ospitaleetako hondakinak ekartzera.

Euskal Herriko Berdeen ustez, epe laburreko pentsatuak izan diren aterabideak ez dira nahikoak. «Zaborren usainak desagertarazteak, distrituak proposatzen duen aterpea eraikitzeak edo zikinkeriak erretzeak ez du arazoa konponduko. Egoera larri hau atzeratu besterik ez du egiten», erran zuen Jean Lissarek. «Zerga sistema bat martxan ezartzea ez da konponbiderik izanen», argi utzi zuen Lissar ekologistak. Bechefores zaborteziaren momentuan bederen itxi dezaten eskatzen dute ekologistek. «Kondenturik dagoen lekua da Bechefores», erran zuen Martine Bisautak.

D. Voynet Ingurugiro ministroari prentsa txostena igorri diote, laguntza ekar dezan. Baiona-Angelu-Miarritze distrituak duela zazpi urte izenpetu zuen konbenioa Lyonnaise des Eaux taldearekin. Talde horrek teknika modernoak hizeman zituen, eskualdeko hondakin guztiak tratatzeko esperantzaz. Distrituko lehendakari Lamassourek berak onartu du «taldearen proiektuaren porrota». X



Baiona-Angelu-Miarritze distrituko lehendakaria eta zuzendaria.

BOB EDME

ikusi gabe ezin sinetsi

Guggenheim Bilbo Museoa inauguratzeak, proiektu bezala 1991an hasi zen historia baten amaiera da. Hasiere batean utopia edo ezinezkoa zirudiena, egun errealitate bat da.

Arkitekturazko bitxi hau, lurraldearen bizkarrezurra den Nerbioiko Itsasadarrean irekitako titaniozko lore bat bihurtzen da. Frank O. Gehry-k diseinatu, munduko Arte Moderno eta Kontenporaneoko Museoen arteko garrantzizkoenetariko bat bezala itxuratuko da. Horretarako, munduko bilduma pribaturik onena irizten den Guggenheim bildumako fondoak izango ditu.

Arkitekturako duen gailentasunagatik,

Bilboko ikurrezko eraikina izan nahi du, gure hiriak, honetara, kultura eran Europarantz hedatuko den tximista bat jaso eta etorkizunaren kate handiko eskaloia bat ere, Euskalduna Jauregia, Metroa, Itsasadarreko saneamendua, Nerbioiko Bazterren barregokitzea e.a., ahaztu egiten ez duen lurralde baten motorrak bultzatzen dituela.

Sua bizirik dago. Bizkaia martxan dago.



Bizkaiko Foru Aldundia Diputación Foral de Bizkaia

Bizkaia
rekin aurrera
goaz